

հարցապնդման կապակցությամբ, որը վերաբերում էր արհեստակցական միությունների նկատմամբ կառավարության վարած հալածանքներին, հանդես եկավ բոլշևիկ Ա. Բադաևը։ Նա ցույց տվեց, որ խախտելով 1906 թ. մարտի 4-ի օրենքը, կառավարությունը վեց տարվա ընթացքում փակել է մի քանի հարյուր միություններ և մերժել է գրանցել 700 նոր միություն։ Դրանց թվում «Մետաղամշակման, բանվորների միությունը» Պետերբուրգում, որն ընդգրկում էր ավելի քան 4000 բանվոր, Բադաևի համարձակ ճառը, որ ուղեկցվում էր դումայի ձախակողմյան ֆրակցիաների բուռն ծափահարություններով ընդհատվում է նախագահի կարգադրությամբ³⁵։

Չեռնաբեկյանի մասսայական լուկաուսների դեմ սոցիալ-դեմոկրատական ֆրակցիայի կողմից կատարած հարցապնդումը 1913 թ. մարտի 1-ին պաշտպանեցին պատգամավորներ՝ Ն. Շազովը և Ֆ. Սամոյլովը։

Բոլշևիկ պատգամավորների վեցյակը նախավոր բոլոր առիթներն օգտագործում էր մերկացնելու ցարական կառավարության քաղաքականությունը։ Նրանք հանդես էին գալիս՝ մամուլի առիթով առաջացնել հարցապնդման, ծրկրորդ դումայի պատգամավորների ձերբակալության ժամանակ կատարված պրովոկացիայի, գործադուլների, ապահովագրական ժողովների, հանքերում եղած փլուզումների, բանվորական լիազորների ձերբակալության, գործարաններում բանվորների մասսայական թունավորումների և բազմաթիվ այլ հարցերի կապակցությամբ։

Բոլշևիկյան ֆրակցիայի գործունեությունը ղեկավարում և ուղղություն էր տալիս Վ. Ի. Լենինը արտասահմանից³⁶։

3. ԲԱՆՎՈՐԱԿԱՆ ԵԱՐԺՈՒՄՆԵՐԸ ԵՎ ԳՅՈՒՂԱՑՈՒՄԿԱՆ ԵՆՈՅՔՆԵՐԸ, ԲՈՂՇԵՎԻԿՅԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՐՈՒԹՅՈՒՆԸ 1910—1914 ԹՎԱԿԱՆՆԵՐՈՒ

1905—1907 թվականների հեղափոխության պարտությունից հետո սկսված ռեակցիայի տիրապետությունը երկարատև չեղավ։ Արդեն 1910 թ. բանվորական շարժման աշխուժացումն ազդարարեց հեղափոխական շարժման նոր վերելքը։ Արդարացավ բոլշևիկների կանխատեսումը երկիրը հեղափոխական գոտեմարտերի նոր փուլ թևակոխելու մասին։ Վ. Ի. Լենինը 1910 թ. գրում էր. «Մեհարյուրյակային ռեակցիայի լիակատար տիրապետության շրջանը վերջացավ։ Սկսվում է նոր վերելքի շրջանը»³⁷։

Չնայած 1905—1907 թթ. գոտեմարտերից հետո ռեակցիայի տարիներին հեղափոխական շարժումները խիստ թուլացել էին, բայց լրիվ չէին մարել։ Աշխատավորական զանգվածների մեջ հասունացած խուլ դժգոհությունը մերթ ընդ մերթ արտահայտվում էր գործադուլների, գյուղացիական հուլումների, զինվորական ելույթների, սովորողների բողոքների ձևով։ Անկումայնության, հուսահատության հաղթահարման հետ միաժամանակ տիրող իրավակարգի դեմ ընդվզումը վերածվում է կազմակերպված շարժման։ 1910 թ. բացվում է Ռուսաստանի բանվորական շարժման նոր էջ։

³⁵ ՏՆ՝ «Стенографические отчеты Государственной Думы», четвертый созыв, 1912—1913 гг., сессия первая, часть первая, Петербург, 1913, стр. 776.

³⁶ ՏՆ՝ А. Бадаев, Большевики в Государственной Думе, М., 1964, стр. 206, 233, 243, 257.

³⁷ Վ. Ի. Լենին, Նժժ, հ. 20, էջ 30.

Հայաստանում հեղափոխական շարժման նոր վերելքը նշանավորվում է բանվորական և գյուղացիական մի շարք ելույթներով 1910 թ. հուլիսին գործադուլ են հայտարարում Ալավերդու հանքարդյունաբերական շրջանի Սիսիմա-դանի պղնձաձուլական գործարանի մոտ 200 բանվորներ, Գործադուլավորների պահանջները տնտեսական բնույթ ունեին և հիմնականում վերաբերում էին աշխատավարձի բարձրացման ու բնակարանային պայմանների բարելավման հարցերին: 1910 թ. ամռանը գործադուլ են հայտարարում նաև Նրևանի և Ուլուխանլուի կայարանների երկաթուղայինները, որոնք ստեղծում են գործադուլային կոմիտե, որը բանվորների պահանջները ներկայացնում է երկաթուղու վարչությանը: 1911 թ. փետրվարին գործադուլ է բռնկվում Կողբի աղահանքերում, Աղահատները հանքերի վարձակալությունը վերցրած կապալաուկներին պահանջում են բարձրացնել արդյունահանվող աղի վճարը: Գործադուլը, որ տևում է մոտ մեկ շաբաթ, վերջանում է անհաջողությամբ: Բանվորները, ստիպված, վերսկսում են աշխատանքները նախկին պայմաններով³⁸:

Չնայած բանվորների պահանջները տնտեսական բնույթ ունեին, բայց հեղափոխական շարժման ընդհանուր վերելքը նպատակամղում էր ժողովրդական զանգվածների ընդլնդումը դեպի քաղաքական պայքարի ուղին: Եվ պատահական չէ, որ հեղափոխ Միությունը՝ լենայի ոսկու հանքերի բանվորների զբնգակոծումն ալեկոծեց ամբողջ Ռուսաստանը: Բողոքի գործադուլներ հայտարարվեցին ողջ երկրով մեկ, այդ թվում և Անդրկովկասում: Ցարական կառավարության նոր ոճրագործությունը վրդովեց առաջավոր Ռուսաստանի հասարակական միտքը: Գործադուլների, բողոքի, միտինգների, ցույցերի, մամուլի կողմից արվող զայրույթից մերկացումների նկատմամբ քաղաքապետարանություն էր պահպանում միայն ցարական կառավարությունը: Ընդհակառակը, կառավարությունը պատրաստվում էր շարունակելու բռնությունների քաղաքականությունը և շատ բնորոշ է, որ երբ 3-րդ պետական դումայում սոցիալ-դեմոկրատական ֆրակցիայի կողմից հարցապնդում արվեց լենայի դեպքերի կապակցությամբ, ներքին գործերի մինիստր, արխիեպսկիոսներ Ա. Մակարովը լկտիորեն պատասխանեց. «Այդպես եղել է, այդպես էլ կլինի»³⁹:

Հայաստանում ևս, որպես բողոք ցարիզմի ոճրագործության դեմ՝ ցույցեր, միտինգներ տեղի ունեցան Ալեքսանդրապոլում, Կարսում, Ղափանում, Ալավերդում, Զալալոզիում և այլուր: Ցարիզմի եղենազործությունը մերկացնող զայրացուցիչ հողվածներ տպագրեց Ալեքսանդրապոլում հրատարակվող «Արագած» թերթը: Ղափանում բանվորները 1912 թ. մայիսին բռնի կերպով Մ. Մանուչարյանի ու Ա. Մարտիրոսյանի ղեկավարությամբ, որոնք մինչ այդ աշխատել էին Բաքվում և հեղափոխական շարժումներին մասնակցելու համար արտաքսվել էին Հայաստան, բողոքի միտինգ են կազմակերպում լենայի բանվորների գնդակոծության դեմ և մայիսմեկյան տոնակատարությունը վերածում են պրոլետարիատի համերաշխության հզոր ցույցի⁴⁰: Ընդհանրապես Հայաստանում հեղափոխական նոր վերելքի տարիներին քաղաքական ցույցեր անց են կացվում մայիսմեկյան տոնակատարության, բանվորների միջազգա-

38 Տե՛ս «Հայաստանի կոմունիստական կուսակցության պատմության ուրվագծեր», էջ 134—135:

39 «История СССР», т. 2, М., 1965, стр. 527.

40 Տե՛ս «Հայաստանի կոմունիստական կուսակցության պատմության ուրվագծեր», էջ 145:

լին համերաշխության օրը նշելու լոզունգներով: Ղափանում բանվորները քաղաքական բարձր տրամադրությամբ անցկացրեցին 1913 թ. մայիսմեկյան տոնակատարությունը և հատկապես 1914 թ. մայովկան:

1913 թ. խմորումներ են սկսվում Ալավերդում, ուր օտարերկրյա կապիտալիստների դաժան շահագործումից և քաղաքական ընդհանուր իրավազուրկ միջակից խիստ դժգոհ բանվորական հոծ զանգվածի համար գործադուլի առիթներ միշտ կային: 1913 թ. օգոստոսին Թիֆլիսի ժանդարմական վարչության պետին տեղեկացնում են, որ Ալավերդու բանվորները պատրաստվում են գործադուլի: Նախապատրաստվող գործադուլի պատճառը, ըստ հաղորդագրության, Ալավերդու հանքատերերի՝ Ֆրանսիական կոնցեսիոներների դաժան և անմարդկային վերաբերմունքն էր: Ալավերդու առաջավոր բանվորներն աշխատում էին կազմակերպված բնույթ տալ բանվորական ելույթներին, 1914 թ. մարտին Ալավերդում բռնկվում է գործադուլ: Առիթը՝ տեխնիկական անվտանգության կանոնների խախտ բացակայության պատճառով, գործարանի բանվորներից մեկի հետ տեղի ունեցած դժբախտ, բայց սովորական պատահարներից մեկն էր: Հանքերի և գործարանների վարչությունը փորձեց անուշադրություն մատնել պատահարը: Նման վերաբերմունքը լցրեց բանվորների համբերության բաժակը, և մարտի 18-ին նրանք գործադուլ հայտարարեցին, սպանեցին տնտեսական դրության բարելավում՝ 8-ժամյա աշխատանքային օր, աշխատավարձի բարձրացում 20 տոկոսով և բանվորական տեսչության նշանակում, Հանքերի և գործարանների վարչությունը դիմում է իշխանությունների օգնությանը: Անմիջապես Ալավերդի են ժամանում ոստիկաններ, ինչպես նաև Կովկասյան լեռնային վարչության կողմից (որն իրականացնում էր լեռնահանքային արդյունաբերության վրա պետական վերահսկողությունը)՝ օկուպացիան ինժեներ Ցելսիերի՝ վերջինիս հաջողվում է, գործակալությունը ոստիկանության հետ, սպանալիքներով, խոտտումներով ու խարեւությամբ համոզել բանվորներին՝ բավարարվել սպանեցների մասնակի կատարումով և վերսկսել աշխատանքները⁴¹:

Հեղափոխական շարժման նոր վերելքի տարիներին ուժեղացավ նաև ագրարային շարժումը: Ռուսաստանում և Անդրկովկասում, այդ թվում և Հայաստանում, հեղափոխական ալիքի տեղատվության և նույնիսկ ռեակցիայի տարիներին, ցարիզմը գյուղում երբեք ցանկալի ճանաչատվություն չունեցավ: Գյուղացիական պայքարը շարունակվում էր, իսկ 1910 թվականից սկսեց ալիքի կազմակերպված բնույթ ստանալ:

Մանր էր Հայաստանի թե՛ պետական և թե՛ մանավանդ աշխարհիկ ու հոգևոր կալվածատիրական հոգերի վրա բնակվող գյուղացիների դրությունը: Գյուղացիները հրաժարվում էին հարկերը վճարելուց, պարհանքեր կատարելուց, մուլքի, թիուլի հատուցումից, սպանեցում էին հոգերի վերաբաժանում, կատարվում էին ինքնակամ անտուաճատումներ: Հեղափոխական սոցիալ-դեմոկրատական կազմակերպություններն աշխատում էին կազմակերպված բնույթ տալ գյուղացիական շարժումներին:

1910 թ. և հետագա տարիներին շարունակվում էր տակավին 1907 թվականից բռնկված նրևանի գավառի նլղովան և Գյոյթիլիսա գյուղերի բնակիչների պայքարն իրենց կալվածատերերի դեմ: Գյուղացիները հրաժարվել էին ոչ

41 Տե՛ս ՀՍՍՀ ԿԳՊԱ, ֆ. 195, գ. 4/17, ք. 36,

միայն մուլք և թիրու վճարելուց, այլև կազմակերպվելով, վճարել էին կալվածատիրոջ հարկահավաքներին և մերժել իշխանությունների կարգադրությունը՝ հացահատիկը ընդհանուր կալատեղում կալսելու վերաբերյալ, Գյուլքիլիսայի կալվածատեր Կ. Գեղամովը դիմում է գավառական իշխանություններին, խնդրելով պատժել «գանցառու» գյուղացիներին: Իր հերթին Երևանի ատաշին գավառամասի հաշտարար միջնորդն էլ շտապում է 1910 թ. հուլիսի 17-ին կալվածատիրոջ բողոքը հայտնել գավառական ոստիկանությանը:

1911 թ. ընդվզում են Բջնի գյուղի բնակիչները, հրաժարվելով վճարել վանքի օգտին գանձվող մուլքը: Բջնի են գալիս գավառական իշխանության ներկայացուցիչները՝ հաշտարար միջնորդի գլխավորությամբ, սակայն հանդիպելով բնակիչների կատաղի դիմադրությանը, ձեռնունայն ետ են վերադառնում: Ահա ինչ էլ գրում հաշտարար միջնորդը իր ղեկուցագրում. «Հենց որ սկսեցի մեկից պահանջել պահակը և նա արդեն համաձայնվում էր տալ իրեն հասանելի խոտը, մոտ հարյուրհիսուն հոգուց բաղկացած ամբոխը հարձակվեց ինձ հետ եկած երեք ստրաժնիկների, Արզաքենի դի տանուտերի և իմ թարգմանի վրա ու սկսեց ծեծել նրանց...»⁴²:

Էջմիածնի գավառում 1910 թ. կալվածատերերի դեմ ընդվզեցին Հախս, Ագարակ, Նաղիրվան և Թալին գյուղերը, Հախս գյուղում բնակիչները հրդեհել էին կալվածատիրոջ դեղերը, կտրատել ծառերը և որոշել՝ բռնագրավել վերջինիս հողը, իսկ իրեն՝ սպանել: Ագարակ գյուղում նույնպես շարժում էր սկսվել կալվածատիրոջ դեմ, իսկ Նաղիրվանում հողը գրաված գյուղացիների և կալվածատիրոջ ու նրա մարդկանց միջև հրաձգություն էր տեղի ունեցել:

Գյուղացիների ըմբոստացման նման փաստեր շատ էին արձանագրվում քե՛ տեղական գավառական իշխանությունների, թե՛ կովկասյան ժանդարմական վարչության կողմից: Ժամանակին մամուլի էջերում հաղորդագրություններ են տպագրվում 1910 թ. Նոր Բայազետում կալվածատեր Տեր-Սահակյանի հողերը գյուղացիների կողմից բռնագրավելու և միմյանց միջև բաժանելու մասին: 1911 թ. ելույթ ունեցան Նոր Բայազետի գավառի Զոգ գյուղի բնակիչները, նրանք գրավեցին կալվածատիրոջ արոտավայրերը և միայն գավառական իշխանությունների կողմից հրավիրված ոստիկանական ուժերով հաջողվեց «կարգ հաստատել» բանտարկվեց 14 մարդ⁴³:

1911 թ. Երևանի գավառի Յուվա և Ղարադաղլու գյուղերի բնակիչները հրաժարվում են կալվածատիրոջ օգտին մուլք վճարել: 1912 թ. նույն գյուղի բնակիչները մերժում են հաշտարար միջնորդի պահանջը՝ կալվածատիրոջ մուլքը վճարելու մասին: Վերջինս դիմում է գավառական իշխանություններին, խնդրելով ոստիկանական միջամտություն՝ վերոհիշյալ գյուղերի երկու տարվա «պարտքը» բռնագանձելու համար⁴⁴: 1912 թ. ոստիկանական իշխանություններին տեղեկացնում են, որ Ղազախի գավառի Աչաջուր գյուղի բնակիչները կտրել են կալվածատեր Մելիք-Ստեփանովին պատկանող անտառամասի ծառերը:

Այդ տարիներին գյուղացիական շարժման մեջ նկատվում է մի ուշագրավ երևույթ ևս: Գյուղացիները պետական կալվածատիրական հողերի իրենական վարումը և ընդհանուր արոտավայրերից կալվածատերերին բռնելու համարում

42 Մ. Ա. Խոնդկարյան, նշված աշխ., էջ 198—203:

43 Տե՛ս Ա. Շ. Առաքյալ, նշված աշխ., էջ 245—246:

44 Տե՛ս ՀՍՄՀ ԿԳՊԱ, ֆ. 70/70, գ. 254, թ. 6—7:

էին օրինական, քանի որ իրենց մեկնաբանությամբ 1912 թ. դեկտեմբերի 20-ի օրենքը գյուղացիների շահերի պաշտպանությանն էր ուղղված: Այսպես, էջմիածնի գավառի Խոջալարում գյուղի բնակիչները արգելել էին կալվածատիրոջն օգտվելու ընդհանուր արոտատեղերից, Լուր ստանալով այդ մասին, Երեւանի նահանգապետը 1913 թ. սեպտեմբերին կարգադրում է կտրուկ միջոցների դիմել խոջալարուցիների թխնագործունեությանը՝ վերջ տալու համար, չկանգնելով անգամ տանուտերին պաշտոնադրվելու և ձերբակալելու առաջ, Լեյն վերջինս հարկավոր հոանդ շցուցարների գյուղացիներին «զսպելու» գործում:

1912 թ. դեկտեմբերի 20-ի օրենքը հօգուտ իրենց մեկնաբանելու փորձ են կատարում նաև Ելիսավետպոլի նահանգի մի շարք հայկական գյուղերի բնակիչները, ձգտելով իրենց հողաբաժինները ընդարձակել ի հաշիվ կալվածատիրական հողերի: Մի քանի գյուղերում գյուղացիներն այս կամայական գործողություններին դիմեցին տեղական պարագլուխների սադրանքով, որոնք ևս չեն անում վերոհիշյալ օրենքի՝ իրենց խնդաբխությունները մեկնաբանությանը կարողացել էին համոզել գյուղացիներին, որ նրանց ձգտումը ճիշտ է և խմբովին ելույթը՝ անվտանգ՝ 1914 թ. հունիսին դեկտեմբերի 20-ի օրենքի նահանգապետը Կովկասի փոխարքայությանը⁴⁵:

Յարիւժի ազդարարին քաղաքականությունը, գյուղական բնակչության շահերը ոտնահարող հողաշինարարական աշխատանքները, ինչպես նաև համայնական հողերի վերաբաժանման ձգձգումները շատ հաճախ պատճառ էին դառնում գյուղացիների բուռն ելույթների, նահանգական իշխանություններին և ոստիկանությանը ցույց տրվող զինված դիմադրության:

Արխիվային փաստաթղթերն արձանագրում են 1910 թ. հունիսին հողաշինարարական աշխատանքների պատճառով էջմիածնի գավառի Գյուլիզա, Սամուղարվիշ, Հաջի Բաղիբ գյուղերի բնակիչների՝ միջգյուղական ընդհարումների և գավառական իշխանություններին ցույց տրված դիմադրության մասին: 1913 թ. հունիսին, նույնպես հողաշինարարական աշխատանքների պատճառով, առաջացած դժգոհության հետևանքով Ալեքսանդրապոլի գավառի Փոքր Ղարաբլիխա, Փամբ և Ղաչաղան գյուղերի բնակիչների և գավառական ոստիկանության միջև ընդհարումներ են սկսվում: Երևանի հողագործության վարչության երկրաչափ Մարուաշվիլին առաջադրանք է ստանում «Տալիք» անունով արոտավայրը, որից տարիներ շարունակ օգտվում էին զաչաղանցիները, հանձնել Փոքր Ղարաբլիխային: Ղաչաղան գյուղի 200—300 բնակիչները, զինված մահախնդրով և բահերով, հարձակվում են հողաչափական աշխատանքներ կատարող պաշտոնյաների ու նրանց պաշտպանող ոստիկանների վրա և քարկոծում վերջիններին: Այս դեպքերի կապակցությամբ ոստիկանական պրիստավը գեկուցում է. գյուղացիները «...պատրաստ էին սպանվել, միայն թե թույլ չտալ, որ ակոսները անցկացվեն նոր սահմաններով, նրանց հաշվումների համաձայն զաչաղանցիներից բռնագրավվելու էր 100—130 դեսյատին հողաբաժին, որից նրանք անվիճելի օգտվում էին ավելի քան քսան տարի»⁴⁶:

45 Մ. Ա. Խոնդկարյան, Նշված աշխ., էջ 171, 202—203:

46 Պ. Պ. Հաբարյանյան, Հայաստանի հեղափոխական շարժումների պատմությունից, Բանբեր Հայաստանի արխիվներին, 1975, Երևան, էջ 115—116:

XX դարի սկզբներին հուզված էին նաև Երևանի գավառի՝ գեներալ Շերեմետևի ժառանգների կողմից վարձակալությամբ վերցված «Արազդայան» պետական կալվածքի գյուղացիները, որոնք դաժան շահագործման էին ենթարկվում վարձակալների կողմից: Տակավին 1908 թ. գյուղացիները բացահայտ ընդվզեցին իրենց շահագործողների դեմ: 1913 թ. գյուղացիական դժգոհության նոր բռնկում է լինում «Արազդայան-Շերեմետևյան գյուղատնտեսական և առևտրաարդյունաբերական ակցիոներական ընկերության» «Արազդայան» կալվածքում:

Այս նորակալ «Ընկերության» վարձակալության սկզբունքներն անհամեմատ ավելի ծանր էին, քան հրաժարվում էին գյուղացիները: «Ընկերության» վարչությունը մտադրվում է հողերը տալ այլ վարձակալների, սպառնալով զրկել գյուղացիներին և նրանց ընտանիքները ապրուստի միակ միջոցից:

Գյուղացիները միահամուռ ոտքի են կանգնում: Սարսափած գյուղացիների ժանհաղանդությունից՝ Երևանի նահանգապետը 1913 թ. դեկտեմբերի 21-ին կարգադրում է Երևանի գավառապետին 16 ոստիկաներով մեկնել «Արազդայան», միաժամանակ ցուցում տալիս նաև Շարուր-Գարաշայկայի գավառապետին, 20 հողուց կազմված ոստիկանական ջոկատով շտապել դեպքերի վայրը, չորս ստանալով պատժաքուհիների «Արազդայան» մեկնելու մասին, գյուղացիները ընկրկում են⁴⁷:

Չնայած գյուղացիական շարժումները տակավին անկազմակերպ էին, և հեշտությամբ ճնշվում էին, այնուամենայնիվ, հանդիսանալով պրոլետարական շարժման ամենահուսալի դաշնակիցը, մոտենցում էին աշխատավորական զանգվածների սոցիալական ազատագրության ժամը:

Բանվորական և գյուղացիական ելույթներն արձագանք դտան բանակում: Հայաստանի քաղաքներում և բնակավայրերում տեղավորված ռազմական միավորումներում նորից խմորումներ սկսվեցին: Դեռ ռուսական առաջին հեղափոխության տարիներին Հայաստանի քաղաքների և առաջին հերթին Ալեքսանդրապոլի ու Կարսի զինվորական կազմակերպությունները զոռվում էին գերազանցապես բոլշևիկների ազդեցության տակ: Հեղափոխության տեղատվության ժամանակաշրջանում և հետագա տարիներին այդ կազմակերպությունները խոր ընդհատակում աշխատում էին պահպանել իրենց շարքերի միասնությունը: Հեղափոխական շարժման վերելքը նորից աշխուժացրեց զինվորական շարժումները, Ի պատասխան դրան, իշխանություններն ուժեղացում էին բռնությունները: 1911 թ. փետրվարին Երևանի օկուպացիոն դատարանը հեղափոխական գործունեության համար վեց տարով տաժանակրության է դատապարտում Իվան Վեդենկին, Անտոն Սուշենկոյին և Ալեքսանյ Սորովկինին, որոնք «Կարսի զինվորական կազմակերպության» ակտիվ անդամներ լինելով, բանտարկված էին և փախուստի փորձ էին կատարել կայազորի զրկավոր կայանատնից:

Հուլիսյան բռնկվեցին նաև Երևանի, Ալեքսանդրապոլի, Կաղզվանի, Սարիգամիշի, Օլթիի զինվորական մասերում: 1912 թ. հոկտեմբերին Կաղզվանի զորամասի զինվորները բողոքեցին բանակում տիրող կամայականությունների

⁴⁷ Տե՛ս «Аграрная политика царизма и крестьянское движение в Армении в начале XX в.», Ереван, 1951, стр. 310—325.

դեմ⁴⁸, 1913 թ. հունվարին խլրտումներ սկսվեցին Ալեքսանդրապոլում, մասնավորապես անհանգիստ էին Բաքվի 153-րդ հետևակային զնդի զինվորները՝ 1913 թ. դարձյալ հունվարին դժգոհություն է սկսվում Կարսի 80-րդ կաթարդինյան հետևակային զնդի զինվորների մեջ⁴⁹։ Սակայն ինչպես ամբողջ երկրում, այնպես էլ Անդրկովկասում և Հայաստանում զինվորական հուզումները բացահայտ ապստամբության չվերաճեցին, որովհետև վրա հասած համաշխարհային պատերազմը փոխեց իրադրությունն ամբողջ երկրում։

Հեղափոխության վերելքի տարիներին բոլշևիկների գործունեությունը նպատակամղվում էր ծավալվող բանվորական, գյուղացիական ելույթները, զինվորական խլրտումները, դեմոկրատական խավերի շարժումները պրոլետական պայքարի դրոշի ներքո համախմբելու ուղղությամբ։ Այդ տարիներին աշխուժանում է Երևանի, Ալեքսանդրապոլի, Արավերգու, Կարսի, Ձանգեղուրի, Նոր Բայազետի, Իգդիրի և այլ վայրերի բոլշևիկյան խմբակների գործունեությունը։

1910—1914 թթ. երևանում ծառայողների, ուսանողների, աշակերտների մեջ քաղաքական-կազմակերպական աշխատանք էին տանում բոլշևիկներ Արշ. Մեխիբյանը, Վ. Բաղդասարյանը, Լ. Տեր-Հովսեփյանը և ուրիշներ։ Մինչև 1910 թ. կեսերը երևանում էր աշխատում նաև Գ. Սոկոլովսկին։ 1913—1914 թթ. երևանի բոլշևիկները հրատարակում են «Խոսք» թերթը, որը մատչելի լեզվով բնթերցողներին բացատրում էր հասարակական հարաբերությունների էությունը և ցույց տալիս ժողովրդական զանգվածների թշվառությունը։ «Խոսքը» լայն տեղ էր հատկացնում հատկապես զավառների աշխատավորության դրության նկարագրությանը, լուսաբանում էր համառուսական քաղաքական կարևոր իրադարձությունները, անդրադառնում դասակարգային պայքարի խնդիրներին⁵⁰։ Թերթն իր վերաբերմունքն էր արտահայտել նաև Հայկական հարցի, մասնավորապես արևմտահայության ճակատագրի նկատմամբ⁵¹, «Խոսք» թերթին աշխատակցում էին Ա. Կարինյանը, Վ. Բաբայանը, Մ. Ենգիբարյանը, Բ. Բորյանը և ուրիշներ։

Կուսակցական-քաղաքական աշխատանքներն աշխուժացան նաև Ալեքսանդրապոլում, որտեղ ակտիվությամբ աչքի էր ընկնում երկաթուղային հանգույցի բոլշևիկյան բջիջը, որը ղեկավարում էր 1906 թ. կուսակցության անդամ Նոյ Լեժանյան։ Խուսափելով ոստիկանական հետապնդումներից, Նոյ Թիֆլիսից փոխադրվել էր Ալեքսանդրապոլ և՛ աշխատելով որպես մեքենավարի օգնական, լեզայ գործունեությունը հեշտությամբ զուգակցում էր անլեզայ գործունեության հետ⁵²։ Ալեքսանդրապոլի կազմակերպությունը հրավիրում էր զաղտնի ժողովներ, ստանում արգելված գրականություն, կապ հաստատում քաղաքի կայազորի զինվորական կազմակերպության հետ։ Ալեքսանդրապոլի բոլշևիկները ձգտում էին կազմակերպված բնույթ տալ զինվորների մեջ տեղի ունեցող խմորումներին, ապահովել նրանց նկատմամբ բոլշևիկյան ղեկավարությունը։

Հեղափոխության վերելքն զգալիորեն խթանում է նաև Բորչալուի բոլշևիկ-

48 Տե՛ս «Հայաստանի կոմունիստական կուսակցության պատմության ուրվագծեր», էջ 148։

49 Տե՛ս նույն տեղում, էջ 148։

50 Տե՛ս նույն տեղում, էջ 154—156։

51 Տե՛ս Մ. Աղայան, Արշավիր Լ՛եխիբյան, Երևան, 1969, էջ 15—23։

52 Տե՛ս Մ. Վ. Արզումանյան, Նշված աշխ., էջ 273—274, 336—337։

յան խմբերի գործունեությանը: Այդ տարիներին Բորչալուի կազմակերպության Ալավերդու հանքարդյունաբերական շրջանում և գյուղական վայրերում, մասնավորապես Հաղպատի, Զալաթղու, Շնողի խմբերում աչքի ընկնող գեր էին կատարում բուլշեիկներ Ս. Էվոյանը, Ֆ. Գարգալաշը, Հ. Շահնազարյանը, Ի. Խաչիկը, Մ. Քանդիլյանը, Ծ. Բեժանյանը, Ա. Քումանյանը, Ս. Հարությունյանը: Թիֆլիսի բուլշեիկյան կենտրոնից մշտական աջակցություն էին ցույց տալիս և սխմեմատիկաբար Բորչալու էին գալիս Ս. Կասյանը, Ա. Կախոյանը և ուրիշներ, իրենց հետ բերելով մարքսիստական գրականություն, թերթեր և թուղթիկներ⁵³:

1910—1914 թթ. կուսակցական-կազմակերպական աշխատանքներն աշխուժանում են նաև Կարսում, Կաղզվանում, Իգդիրում: Կարսում ստացվում էին բուլշեիկյան պարբերականներ, մասնավորապես «Զվեղդա» թերթը: Կարսի բուլշեիկյան խումբը, որտեղ աչքի ընկնող գեր էին կատարում Վահան Հովսեփյանը և Բենո Սահակյանը, Ս. Կասյանի ու Դ. Շահվերդյանի միջոցով մշտական կապ էր պահպանում Թիֆլիսի բուլշեիկների հետ: Կաղզվանում գործող մարքսիստական խումբը գլխավորում էր Հ. Սարուխանյանը, նա միաժամանակ Իգդիրում կազմակերպում է մարքսիստական խումբ, որի աշխատանքներին գործուն մասնակցություն էին ցույց տալիս Բ. Վարիբջանյանը, Դ. Ղալաշյանը և ուրիշներ⁵⁴:

Այդ տարիներին Զանգեզուրի բուլշեիկյան խմբերը ևս ակտիվացրին իրենց գործունեությունը: Զանգեզուրում և մասնավորապես Ղափանի պղնձահանքերում էին աշխատում ղեկուս առաջին ուսական հեղափոխության բովում թրծված բուլշեիկներ Ա. Մարտիրոսյանը, Մ. Մանուկարյանը, Ա. Առաքելյանը, Ա. Վարդանյանը և ուրիշներ: Զանգեզուրի ղափառում գյուղական բնակչության մեջ հեղափոխական գործունեություն էին ծավալել Ա. Բաղդասարովը, Լ. Առուստամյանը, Բ. Մկրտչյանը և ուրիշներ: Զանգեզուրի բուլշեիկները ղեկավար ցուցումներ և աջակցություն էին ստանում Բաքվի բուլշեիկյան կենտրոնից⁵⁵:

Այսպիսով, հեղափոխական նոր վերելքի տարիներին Հայաստանի քաղաքներում և գյուղական շրջաններում հեղափոխական սոցիալ-դեմոկրատական կազմակերպությունները զգալիորեն աշխուժացրին իրենց աշխատանքները:

Հեղափոխական շարժման նոր վերելքը կուսակցության առջև նոր խնդիրներ էր դնում, Բանվորական և գյուղացիական ելույթները, զինվորական հուզումները, հեղափոխական շարժման մեջ նոր շերտերի մխրճվելը այնպիսի մասնալական բնույթ էին ընդունել, որ հեղափոխական սոցիալ-դեմոկրատիայից պահանջում էր նոր զորքեր ունենալ: Հեղափոխական կուսակցությունը չէր կարող օպորտունիստական և լիկվիդատորական տարրերի զոյակցության պայմաններում ղեկավարել այդ շարժումները: Դրա համար անհրաժեշտ էր մաքրել կուսակցությունն այդպիսի տարրերից: Այդ հարցերը քննելու համար բուլշեիկները Վ. Ի. Լենինի ղեկավարությամբ առաջարկեցին հրավիրել կուսակցության կոնֆերանս:

Անդրկովկասի բուլշեիկները ջերմորեն ողջունեցին կոնֆերանս հրավիրել-

⁵³ Տե՛ս «Հայաստանի կոմունիստական կուսակցության պատմության ուղեգիր», էջ 158—159:

⁵⁴ Տե՛ս նույն տեղում, էջ 156:

⁵⁵ Տե՛ս Մ. Վ. Աբգումանյան, նշված աշխ., էջ 215:

լու առաջարկությունը՝ Վ. Ի. Լենինի հանձնարարությամբ կոնֆերանսի նախապատրաստման Ռուսաստանյան կազմակերպչական հանձնաժողովի աշխատանքները ղեկավարելու համար 1911 թ. ամռանն արտասահմանից անկեղալ Անդրկովկաս ժամանեց Ս. Օրջոնիկիձեն, Սիպտեմբերի 29-ին Բաքվի, Բիֆլիսի, Կիևի, Եկատերինոսլավի ու Եկատերինբուրգի կուսակցական կազմակերպությունների ներկայացուցիչների համատեղ նիստում ստեղծվեց կոնֆերանսի նախապատրաստման Ռուսաստանյան կազմակերպչական հանձնաժողով, որի մեջ անդրկովկասյան բոլշևիկներից մտան Ս. Օրջոնիկիձեն, Ս. Սպանդարյանը, Ստ. Շահումյանը⁵⁶, Սակայն Ստ. Շահումյանը Բաքվի ՌՍԴԲԿ կոմիտեի անդամների մեծ մասի հետ հաջորդ օրը ձերբակալվեց, որի հետևանքով հանձնաժողովն իր աշխատավայրը Բաքվից տեղափոխեց Քիֆլիս, Ռուսաստանյան կազմակերպչական հանձնաժողովի ներկայացուցիչները տեղերում քաղաքական-կազմակերպական լայն գործունեություն ծավալեցին, բանվորներին ուղղված դիմումներ, պրոկլամացիաներ հրատարակեցին՝ Ս. Սպանդարյանը ՌԿԶ-ի հանձնարարությամբ եղավ Պետերբուրգում, Մոսկվայում, Ռիգայում։ 1912 թ. հունվարի 5-ին Պրագայում բացվեց ՌՍԴԲԿ համառուսաստանյան VI կոնֆերանսը, որտեղ ներկայացված էին ավելի քան քսան տեղական կազմակերպություններ։ Բաքվի և Բիֆլիսի կազմակերպությունների պատգամավորներն էին Ս. Սպանդարյանը և Ս. Օրջոնիկիձեն։

Կոնֆերանսը կուսակցության շարքերից վտարեց մենշևիկ-լիվիդաուսներին և այլ օպորտունիստների, որոնք վերասերվելով դարձել էին բուրժուազիայի գործակալներ բանվորական շարժման մեջ⁵⁷, Ելնելով ՌՍԴԲԿ միևիմուտ-ծրագրի ելակետային սկզբունքներից, կոնֆերանսը կուսակցական կազմակերպություններին առաջադրեց հեղափոխական շարժման նոր վերելքին համապատասխան տակտիկա։

Անդրադառնալով ազգային հարցին, կոնֆերանսը դարձյալ ընդգծեց ազատագրական պայքարի մեջ Ռուսաստանի բոլոր ազգությունների նպատակների միասնությունը⁵⁸, Կոնֆերանսում Անդրկովկասի բոլշևիկների գործունեության մասին զեկուցումով հանդես եկավ Ս. Սպանդարյանը, որն արժանացավ Վ. Ի. Լենինի ուշադրությանը։ Ընտրվեց կենտրոնական կոմիտե, որի կազմի մեջ մտան Վ. Ի. Լենինը, Գ. Կ. Օրջոնիկիձեն, Ս. Ս. Սպանդարյանը, Յ. Ի. Գոլոշչոկինը⁵⁹։

Անդրկովկասի, այդ թվում Հայաստանի բոլշևիկները գոհունակությամբ ընդունեցին Պրագայի կոնֆերանսի որոշումները և իրենց ամենօրյա գործունեության ուղեցույց դարձրին։

56 Տե՛ս Գ. Բ. Գарибджанян, В. И. Ленин и большевистские организации Закавказья (1893—1924), Ереван, 1967, стр. 158.

57 Տե՛ս Մ. Վ. Աբգումանյան, նշված աշխ., էջ 268—269.

58 Տե՛ս Գ. Ա. Галоян, նշված աշխ., էջ 156—157.

59 Տե՛ս «Հայաստանի կոմունիստական կուսակցության պատմության ուղեգրեր», էջ 153—154.